

苏轼补注

第十二函
第十册

東坡先生編年詩卷三十一

後學查慎行補註

姪男開校刊

古今體詩四十九首

元祐四年己巳春由翰林學士除龍圖閣學士四月以後出知杭州盡一年

慎按以下四首施氏原本錯編上卷末今改

置卷首以從編年之例

次韻劉貢父春日賜幡勝

寬詔隨春出內朝三軍喜氣挾狐貂鏤銀錯落翻斜月

剪綵繽紛舞慶霄臘雪強飛纔到地曉風偷轉不驚條

脫冠徑醉應歸卧便腹從人笑老韶

公自注前一日微雪是日幕次賜酒

春日賜幡勝

東京夢華錄立春日宰執親王百官皆賜金銀幡勝入賀訖戴歸私第文昌雜錄立春日賜三省官采勝謝於紫宸殿門

附孔武仲次韻

鏤幡剪勝喜傾朝不問紆藍與珥貂羣玉參差排
曉日萬花瑣碎動春霄蕙風已轉東郊綠柳雪猶
低北苑條從此恩波與溫律併隨歌頌入咸韶

再和

與君流落偶還朝過眼紛綸七葉貂莫笑華顛羞采勝
幾人黃壤隔青霄行吟未許窮騷雅坐嘯猶能出教條
記取明年江上郡五更春枕夢春韶

附孔武仲再次韻

拜賜忽忽早上朝公卿前列盡金貂日留愛景明

雙闕春逐恩輝下九霄靈沼輕澌猶覆水上林微
綠已縈條自慚羽翮非鸞鳳亦預彤庭舞舜韶

葉公秉王仲至見和次韻荅之

衫絺方暑亦堪朝歲晚淒風憶皂貂共喜鸛鸞歸禁籞
心知日月在重霄君如老驥初遭絡我似枯桑不受條
強鑷霜須簪彩勝蒼顏得酒尚能韶

葉公秉

施氏原注葉公秉
名均時爲秘書監

王仲至

宋史王欽臣字仲至宋城人以父洙廢
入官試學士院賜進士第侯鯖錄欽臣

神宗時名臣原叔之子大臣薦文藝召試學士院試罷賦詩有
翠木陰陰白玉堂老來方始試文章之句蓋被用時年已老矣

再和

衰遲何幸得同朝溫勁如君合珥貂誰惜異才蒙徑寸

自慚枯枿借凌霄光風泛泛初浮水紅糝離離欲綴條
後日一尊何處共奉常端冕作咸韶

紅糝

韓愈詩始見洛陽
春桃枝綴紅糝

和王晉卿送梅花次韻

東坡先生未歸時自種來禽與青李五年不踏江頭路
夢逐東風泛蘋芷江梅山杏爲誰容獨笑依依臨野水
此間風物君未識花浪翻天雪相激明年我復在江湖
知君對花三嘆息

慎按石刻先生自題此詩後云僕去黃州五
周歲矣飲食夢寐未嘗忘之方請江湖一郡

書此一詩寄王文父子辯兄弟亦請一示李
樂道也此詩施氏原注編上卷知貢舉之後
而詩中有五年不踏江頭路之句當是元祐
四年作今改編

次韻王晉卿惠花栽栽所寓張退傅第中

坐來念念失前人共向空中寓一塵若問此花誰是主
天教閒客管青春

張退傅

宋宰輔編年錄張士遜字退傅博州人歷事太宗真宗仁宗凡三入

相康定元年致仕封鄧國公就第十年卒年八十六謚文懿宋史新

編云士遜字順之與編年錄互異。慎按東都事畧士遜以太傅致仕歸老自

號退傅非其字也大觀末蔡魯公以太師罷相詔以南園賜之蔡作詩云八年

帷幄竟何爲更賜南園寵

退師以此例之可知矣

次韻王晉卿上元侍宴端門

月上九門開星河繞露臺君方枕中夢我亦化人來光
動仙毬縋香餘步輦回相從穿萬馬衰病若爲陪

上元端門

石林燕語端門在大慶殿之南朱弁曲洧紀聞本朝太宗以三元不禁夜上元御端門中元下元御東華門後罷中元下元而

上元遊觀之盛

冠於前代矣

王鄭州挽詞

美君華髮起琳宮右輔初還鼓角雄千里農桑歌子產
一時冠蓋慕蕭嵩那知聚散春糧外便有悲歡過隙中
京兆同僚幾人在猶思對案筆生風

公自注吾爲開封府幕與子難同廳

王鄭州

字子難
失考

附子由作

樂城集題云王子難龍圖挽詞

帝子乘鸞已列仙
遺芳留得衆孫賢
俊科早與寒儒競
禁從終償白髮年
輦路聯鑣驚往事
圃田回首泣新阡
舊聞推歷知天命
看熟黃梁定灑然

書王定國所藏王晉卿畫著色山二首

白髮四老人何曾在
商顏煩君紙上影
照我胸中山
山中亦何有
木老土石頑
正賴天日光
澗谷紛爛斑
我心空無物
斯文定何閒

一作何足關

君看古井水
萬象自往還

定何閒

陶潛連雨獨飲詩世間有松喬于今定何閒

古井水

白居易詩無波古井水

君歸嶺北初逢雪
我亦江南五見春
寄語風流王武子

三人俱是識山人

呈定國

外集題云絕句呈王定國

舊病應逢醫口藥
新粧漸畫入時眉
信知詩是窮人物
近覺王郎不作詩

慎按此詩施氏原本不載新刻本載續補下

卷今据外集移編

寄傲軒

先生英妙年一掃千兔禿
仕進固有餘不肯踐塲屋
通闕何所傲傲名非傲俗
定知軒冕中享榮不償辱
豈無自安計得失猶轉轂
先生獨揚揚憂患莫能瀆
得如虎

挾乙失若龜藏六茅簷聊寄寓俯仰亦自足東坡無邊
春方寸盡藏蓄醉哦旁若無獨有一尊醪一作綠牀頭車馬
道殘月挂疎木朝客紛擾時先生睡方熟

龜藏六

法句譬喻經云龜從河出水狗欲噉龜龜縮頭尾四脚藏于甲中遂不敢噉沙門說偈云藏六如龜防意如城慧與魔戰勝則

無患

慎按此詩施氏原本不載新刻本載續補上

卷今据外集移編

附李端叔詩

姑溪集題云題韋深道寄傲軒

南窗何似北窗涼寄傲風來各有方千古光輝如
昨日一時收拾付新堂已驚醖裏醅初綠更覺籬

邊菊漸黃就使主人官卽顯此間高興定難忘

送呂昌朝知嘉州

不羨三刀夢蜀都聊將八咏繼一作寄東吳卧看古佛凌雲

閣勅賜詩人明月湖得句會應緣竹鶴思歸寧復爲尊

鱸橫空好在修眉色頭白猶堪乞左符

八咏寄東吳

海錄碎事偽蜀歐陽彬出領嘉州曰青山綠水中爲二千石作詩飲酒爲風月主人豈不佳哉其後太守呂昌朝以來進

所畫八景皆天下名勝懸于州治與相映發蘇子瞻有八咏寄東吳之贈

凌雲閣

方輿勝覽九頂山在嘉州城東每峯舊皆有寺今惟存凌

雲一寺唐開元中僧海通鑿山爲彌勒大像高三百六十尺積十九年而工始備韋皇有大像記墨莊漫錄嘉州凌雲寺大像記張綽書其碑甚豐

明

月湖

名勝志明月樓在嘉州城譙樓之右下瞰明月湖郭璞議云鬱姑鬱姑將州對洛都但看千載後變成明月湖後隋鬱姑將軍始開此湖也洛

都山名在嘉州西五里

左符

唐書輿服志隨身魚符左一右一左者通內右者隨身皆盛以袋三品以上飾以金五品以上飾以銀景雲中詔衣

紫者以金飾衣緋者以銀飾謂之章服程大昌演繁露漢太守之官必得左符以出至郡用以爲驗蓋右符先已留州故令以左合右也唐世刺史亦執左魚至州與右魚合契

次韻黃魯直寄題郭明父府推潁州西齋二首

樹頭啄木常疑客客去而瞋定不然脫轄已應生井沫
解衣聊復起庖煙平生詩酒真相污此去文書恐獨賢
早晚西湖映華髮小舟翻動水中天

府推

孫彥同職官分紀惟開封及京留守有判官推官其餘名節推察推者皆幕職官也

寂寞東京月旦州德星無復綴珠旒莫嗟平輿空神物
尙有西齋接勝流春夢屢尋湖十頃家書新報橘千頭
雪堂亦有思歸曲爲謝平生馬少游

月旦州

〔太平寰宇記〕蔡州汝陽縣唐貞元七年割汝水之南地置汝南縣元和十三年以地復歸汝陽安城廢城在汝陽縣東水北有二龍

鄉月旦里是也

平輿神物

〔歐陽忞輿地廣記〕平輿縣有葛陂水物含靈後漢費長房投竹化龍處

附黃魯直原作二首

食貧自以官爲業聞說西齋意凜然萬卷藏書宜
子弟十年種木長風烟未嘗終日不思潁想見先
生多好賢安得雍容一尊酒女郎臺下水如天
東京望重兩并州遂有汾陽整綴旒翁伯入關傾
意氣林宗異世想風流君家舊事皆青史今日高
才未白頭莫倚西齋好風月長隨三徑古人遊
次韻秦少章和錢蒙仲

碧畦黃隴稻如京歲美人和易得情鑑裏移舟天外思
地中鳴角古來聲山圍故國城空在潮打西陵意未平
二子有如雙白鷺隔江相照雪衣明

秦少章

東都事畧秦觀弟觀字少章亦能文陳後山有送少章詩注云元祐四年三月東坡自翰苑出知杭州少章時從東坡學黃山谷有

送少章從蘇公餘杭詩張文潛有送秦觀從蘇杭州爲學序少游有送少章弟赴仁和主簿詩

錢蒙仲

穆父之子穆父知越州蒙仲時亦在

越故結句云隔

西陵

越絕書浙江南路西陵者范蠡敦兵處也其陵可守故謂之固陵

二子如鷺

詩振

江相照雪衣明

鷺箋杞宋之君有潔白之德其至

止亦有此容言威儀之善如鷺然

次韻錢越州

髯尹超然定逸羣南遊端爲訪雲門謫仙歸侍玉皇案
老鶴來乘刺史轡已覺簿書哀老子故知籩豆有司存

年來齒頰生荆棘習氣因君又一言

錢越州

名勰字穆父先生有送穆父守越州詩見上卷

髯尹

穆父自知開封府出守越故稱尹

玉皇案

唐志

宣政殿朝日殿上設黼座躡席熏爐香案宰相兩省官對班于香案前程大昌演繁露香案在殿上對班案前者乃從殿下準望言之及入閣而夾侍香案亦從左右準望非真夾並香案也元稹自言我是玉皇香案吏其亦準望而爲言歟宋景文筆記予領門下省天子排正仗吏設香案于前殿修注官夾案立此時二史已立殿上矣

同秦仲二子雨中游寶山

平明已報百吏散半日來陪二子閒立鵲一作鶴低昂煙雨

裏行人出沒樹林間

秦仲二子

施氏原注黃師是龍圖諸孫直孺以其先世此詩石刻歸宿後題云元祐四年八月二十六日偶同仲天貺秦少章來游寶山

石刻雖已湮泐而字極姿媚可愛此段新刻本刪去今補注

寶山

注見前

去杭州十五年復游西湖用歐陽察判韻

我識南屏金鯽魚重來拊檻散齋餘還從舊社得心印

似省前生覓手書葑合平湖久蕪沒一作漫人經豐歲尙凋

踈誰憐寂寞高常侍老去狂歌憶孟諸

去杭十五年

咸淳臨安志元祐四年熊本自杭徙知江寧府蘇軾自翰林學士乞郡三月丁亥得旨以龍圖閣學士知杭州○慎

按年譜先生于熙寧辛亥通判杭州甲寅九月自杭移知密州至元祐己巳十五年矣先生以七月三日到杭州任謝表云江山故國所至如歸父老遺民與

臣相問知朝廷輟近侍爲太守

歐陽察判

名失考按職官分紀諸州幕職有觀察判官

南屏

蓋聖主視天下如一家云云

西湖游覽志淨慈寺畔有南屏興教寺舊名善慶中有齊雲亭清曠樓載先生此詩于條下

金鯽魚

長公外紀南屏萬工池舊有金魚魚

有鯽有鯽鯽食於澱鯽食螺蜆若餅餌之類則皆食之咸淳臨安志中都有參魚者多變金色鯽爲上鯽次之問其術秘不肯言或云以鬬市滄渠之小紅蟲

飼凡魚百日皆然初白如銀漸次黃久則金矣又別有雪質而黑章的皪若漆曰玳瑁魚文采尤可觀

葑合平湖

本集請開西湖

狀云錢氏有國置撩湖兵千人日夜開濬自國初以來稍廢不治水涸草生漸成葑田熙寧中通判本州湖之葑合者蓋十二三今者十六七年間遂塞其半父老皆言更二十年無西湖矣

者悠

孟諸

元和郡縣志孟諸澤名在宋州虞城縣西北周圍五十里俗號盟諸澤高適詩我本狂歌孟諸野一生自是悠

與莫同年雨中飲湖上

到處相逢是偶然
夢中相對各華顛
還來一醉西湖雨
不見跳珠十五年

莫同年

施氏原注莫君陳字和中吳興人官至少府監

送子由使契丹

雲海相望寄此身
那因遠適更沾巾
不辭驛騎凌風雪
要使天驕識鳳麟
沙漠回看清禁月
湖山應夢武林春